

01 掃便所的心適代

劉思瑤

「來，咱等一卜欲換掃工課，這改予恁家己抽。」
Uah！閣欲換工課矣，這是予人期待閣驚受傷害的心情，因為阮這班掃掃的區域，包含一間全校上恐怖的便所，咧用這間便所的，齊是低年級的猴困仔。

人講串著，你愈無想欲拄著的，就愈會來揣你。
買彩券嘛無遮好運，兩張掃便所的單仔，就予我抽著一張，天公伯仔，你哪會對我遮爾好啦！阮老師講，若有才調共便所掃甲予你，你都會想欲去選故放，按呢就成功矣。阮學校的便所佇我讀二年仔的時陣有翻過，新的便所會使講是海線地區的國校上婿、上先進的。毋過經過這兩年，予逐家跑甲已經失去伊原本的模樣囉！

頭一擺去掃的時陣，我險仔共早起食的早頓吐出來。尿斗卡一沿尿滓黃黃厚厚，臭尿發味對樓梯行落來就鼻會著；兩間便所的壁頂、塗跤、馬桶攏有河著黃金，垃圾的衛生紙嘛抨甲規四界，圓衛生紙的所在閣擲一領穿過的內褲，誠癩瘡，今這是發生啥物代誌？是遐的猴困仔放尿相袂準？抑是共放尿當做咧沃花捎咧烏白漩？黃金的來源是上課毋敢共老師講屎咧滾，等到屎攏尻川矣才咧揣便所，所致走袂赴就沿路落？袂記得紮衛生紙只好用內褲拭？

落來垃圾的內褲規氣褪掉無愛穿？抑無，一間「五星級」的便所，哪會舞甲這號形。

我從轉去教室共老師講這個狀況，老師來看了，隨提一罐洗碗精、一罐酒精恰兩副手囊予我，叫阮兩個共摒予清氣，我閣加掛兩個喙罨，準備欲來恰伊掉拚。頭起先，阮兩個攏無想欲去處理遐的垃圾仔，毋過遮的物件無清掉，賭的工課嘛袂做得，阮只好用喝拳彼步，贏的人愛處理。天公伯仔閣恰我滾耍笑，又閣是我啦！真正是欲哭無目屎。

我這個愛清氣相的看袂做得，就早暗拚命鏹，經過兩禮拜，總算共尿滓和黃金攏鏹掉矣，阮共彼間全校上癩瘡的便所，洗甲金爍爍閣清氣溜溜。

這馬我攏會專工對樓頂走落來用這間我家己摒的便所囉！

02 我愛食的四秀仔

陳素貞

市面上的四秀仔百百款，毋過佇我心目中上蓋好食的干焦一款，彼就是阮家己做的雞卵糕。

會記得細漢的時陣，日時仔阿爸、阿母無閒咧上班，我就佇阿公、阿媽身軀邊綴前綴後，袂輸樹奶糖按呢黏過來、黏過去。個對我這粒糖霜丸是惜命命，逐工的四秀仔毋是餅仔就是雞卵糕，頂懸閣有我上愛的尪仔，這是阿公專工為我這個古錐的查某孫做的喔！

阿公開一間餅店，有賣麩、大餅，嘛有咧賣雞卵糕。便若下晡時仔麩出爐的時陣，規條街仔路會當講是芳貢閣貢貢芳！死忠的人客來遮買，攏是一袋一袋紮轉去，閣會食好鬥相報。

自細漢看著阿公對原料選擇的堅持恰製作過程的用心，知影做代誌就是愛踐踏實地、用心才做會出好的成果。我嘛學著伊做代誌認真的態度，恰一寡仔做雞卵糕的銜角。

國校三年仔開始，我上期待的就是逐禮拜的歌囡日，彼工阿公會恰我同齊做雞卵糕。歌囡日阿公無開店，我就趁這個時陣綴伊學師仔。對秤麵粉、敲卵、共烘箱烘予燒，香香滴滴的工課有夠濟，逐項攏愛真斟酌，芳貢閣好食的雞卵糕才做會出來。

經過這三冬的練習，自烘甲臭火焦，到這馬人干焦鼻著就會喙瀾滷滷津，我做的雞卵糕會當搭胸坎掛保證，絕對袂輸外口人咧賣的喔！阿媽共我講若是欲食好食的雞卵糕，著愛用心做、綿精學，才會出師！

頂禮拜老師出一個作業，就是愛阮先佇厝裡做一項家己上熟手的好食物，才閣提來學校恰逐家分享，我頭一個想著的就是做雞卵糕。會記得彼一工，食過雞卵糕的同學，逐家攏呵咾甲會觸舌，閣一直問我愛按怎做。聽著逐家對我家己做的雞卵糕遮爾仔肯定，閣看著個食甲遐爾仔歡喜，我比個閣較歡喜。

想袂到我做的四秀仔，逐家遮爾仔捧場。我決定矣！後擺我嘛欲開一間好食食的雞卵糕店，和人分享我愛食的四秀仔！

03 美人魚的美夢

張瓊方

你囡仔時上愛耍啥物？我上佢意的就是要水。聽阮阿母講我自嬰仔的時就袂驚水，別个嬰仔是洗身軀洗甲嘛嘛吼，我顛倒笑甲吱吱叫，若是洗傷緊我閣會受氣無歡喜。

三歲外的時，阿母講美人魚公主的囡仔古予我聽，聽公主逐工佇海裡泗水兼迺迺，我目調金金，纏阿母砵砵問公主到底是按恁恁的。自彼工起，我三不五時就想欲做美人魚。有一工，趁阮阿母咧睏晝，家己揀椅頭仔倚佇灶跔的水槽仔邊，跔起去內底落水做海來泗。感覺家己泗甲袂輸人魚公主當歡喜的時，煞予阿母發現規灶跔已經水淹金山寺，落尾當然是予人修理甲金爍爍。毋過若佇房間耍，阮定定會招阮小妹共棉襪被舒咧做海湧，人覆佇頂懸看啥人泗較緊抑是姿勢較趣味。阿母看我遮爾興，規氣予我去學泗水。

頭擺上課，我共游泳衫換了就緊走去游泳池邊仔想欲跳落去，無疑悟予教練擋咧，講跔手愛小振動咧，落水才袂糾筋，只好鼻仔摸咧綴教練做操。等教練喝講：「好，落水！」我隨衝代先，并一聲跳入水。真正是七月半鴨仔——毋知死活，我根本都猶袂曉泗水，無三秒鐘就佇遐五六三十，邊仔咧泗水的阿伯看看毋是勢，隨共我插起來。雖然

頭一改就遮爾刺激，我嘛無著驚，顛倒愈堅心、綿爛學。

對彼工開始，上游泳課較贏耍電動，事事項項攏趣味，曝甲若塗炭嘛無要緊。過無半冬，掠篙泗、蛤仔泗、坦笑泗攏學了真熟手，泗甲親像海中生物全款有速度闊嬌氣。毋過遮的姿勢攏毋是公主咧泗的，為著完成美夢，我一直央教練共我教海豬仔泗。

開始學海豬仔泗了後，煞發現做美人魚遐爾仔簡單，我的腰佻跔毋管按恁振動，仙泗都泗袂行，毋過我無失志，猶原拚勢練習，一定愛變公主！總算感覺家己有進步，偷偷仔歡喜有小可仔成美人魚的時，拄好小妹有一工咧看電視，英雄大聲喝講：「阿姊緊來，你泗甲若這尾咧！」我隨從去看，哎唷，我這尾美人魚叻會變做水蛆咧！